

## اسم الله الغني | #محاضرة | د. حازم شومان

حازم شومان

السلام عليكم ورحمة الله وبركاته. الحمد لله وكفى الحمد لله اهي وكفى وصلة وسلاما على عباده الذين اصطفى.  
اللهم لك الحمد كله لك اللهم لك الحمد كله ولك الملك كله وبيدك الخير كله وبيدك الخير كله واليک - 00:00:00  
يرجع الامر كله. ليك وسعديك. والخير في يديك. والشر ليس اليك. نحن بك واليک تبارك فتعالیت نستغفرك ونتوب اليك. اللهم صل على النبي محمد وعلى الله وصحبه وسلم تسلیما كثیرا. اما بعد الحقيقة يا اخوانی - 00:00:35

يعني الواحد جاي يعني هنتكلم عن اسم النهاردة باذن الله سبحانه وتعالى من اسماء الله الحسنى. بس الحقيقة نتيجة ان الاسم يعني الواحد قاعد طول الاسبوع يفكر ايه مشاكل الحياة بتاعتنا اللي الاسم ده بيحلها. حاجات كتير او اى ازمة مصر الاقتصادية يا اخواننا. مصر فلست كتير او اي عبر التاريخ. يعني مصر مش اول مرة تفلس يا جماعة. مصر - 00:00:55

ايم قطر الندى وفاء لسة ايم الخديوي اسماعيل. المقصد مش مهم يعني النقطة دي دلوقتي. انما كل ما بيحصل مشكلة اقتصادية الحقوا غيروا الوزارة. او اجروا بسرعة على دولة غنية خزainها مليانة فلوس عشان تديكم. او ان احنا نروح للغرب عشان عندهم اموال عشان يدينا - 00:01:15

او ان احنا نغير القوانين عشان الاغنيا من التجار الغربيين ييجوا يستسمروا فلوسهم عندنا. بنفكر كتير او اي ان احنا نجري على اغنياء الدنيا ولكن امتنى فكرنا ان الحل ان احنا نجري على غني السماوات والارض؟ الحل ان احنا نجري على الله الغني سبحانه وتعالى. عشان - 00:01:35

كده الاسم اللي احنا هنتكلم عنه النهاردة بيقدم حل لازمة مصر. بيقدم حل للحلم اللي دايما الشباب بيحلموا به كيف تصبح مليونيرا في اسبوع واحد؟ اسم النهاردة يا جماعة بصراحة اللي خلاني يعني اتدبر فيه وافكر ان احنا نتكلم عنده لاما سمعت ان مارك - 00:01:55

صاحب الفيسبوك الشاب اللي قدكم يا شباب مارك ده من اغنى عشر رجال على مستوى العالم كله. ملاردير ادوکوا في السن ما هوش اكابر منكم في حاجة فكرة الفيسبوك ربنا رزقها له بدين السماوات والارض رزقه فكرة ابداعية اسمها الفيسبوك بقى في خلال سنوات قليلة من اغنى عشر رجال في - 00:02:15

العالم كله هو لسه قدكم لحد دلوقتي مارك يعني يعني قصة بعض بيصدقها البعض بيكتذبها على النت مارك بيشتري الواتساب ستاشر مiliar دولار وعارض انه يشتري النت كله. لما سمعت الكلام ده وكان بعض الاخوة واقفين على باب الجامع ويقول له ياه وهيشتري - 00:02:35

بستاشر مiliar يقول له ده عارض يشتري النت كله. يقول له ده من اغنى عشر رجال في العالم كله. يقول له طيب قلت سبحانه الله العظيم اذا كان هذا غنى مخلوق فكيف بغني الله! فكيف بغني ما لك السماوات والارض! قعدت اتدبر في المليارديرات بتوع الكرة - 00:02:55

الارضية في اغنى ميت واحد على مستوى الكورة الارضية. نص الكورة الارضية بيملكها خمسة وثمانينبني ادم بس. خمسة وثمانين واحد بيملك ونص الثروات التي توجد على وجه الكورة الارضية. اذا كان ده غنى مخلوق. امال غنى ربنا ايه يا جماعة؟ الوليد ابن طلال واحد ادي له واحد ادي له - 00:03:15

ناقة هدية دخلت مسابقات جمال النوق وواحدة جایزة في تلناشر مسابقة اداله ناقه هدية بمثين وخمسين مليون درهم. الدرهم

باتنين يعني بنص مليار جنيه ناقه ودي هدية واحد غني اداها واحد. امال لو الغني اداك هدية. يديك ايه - 00:03:35

اماال لو الغني اعطيك ايه؟ اذا كان واحد كافر في البرازيل ربنا ادي له ثلاثة وخمسين مليار دولار. وهو اغنى ملياردير على مستوى العالم اذا كان ده اللي الغني ده من الخزائن لواحد كافر. اومال اللي ربنا ممكن يديه لك ايه؟ يا اخوانا عايزين نقف وقفه امام اسم الله الغني - 00:03:55

الاسم اللي هيحبك في ربنا ليه؟ لأن الناس بتحب الغني او اي جماعة. الناس تلقي الغني لما يكبر ولاده ما يسيبهاش ابدا. ما فيش عيل من عياله يقول له يا بابا انا رايح - 00:04:15

ده عمل ابدا. ما فيش عيال من عياله يقول له يا بابا انا عايز اشتغل وابني مستقبلي لوحده. كله يتلف حواليه. والناس كلها تحبه. الغني يا جماعة الناس بتحب الاغني او اي - 00:04:25

لو واحد غني مرض تلقي الفين رسالة مسج واصلين له. شفاك الله وعافاك. مش متتصورين الدنيا وانت تعبان. الغني لو انت اقدم لك عريس غني هتزغرطي من قلبك. لو انت بنتك اتقدم لها عريس غني هتفرح انا باتكلم على الواقع. كل الغني ده كل - 00:04:35

مليارات دي كل الفلوس بتاعة الاغنيا دي كلها من خزائن الله. فبدل ما نبص لمخازن التسليم تحت المفروض نبص لمنابع التقسيم المفروض ننهر بخزائن الله ولكن انا عايز اقول لك الناس بتحب الغني قد ايه. شف لو واحد راكب عربية بمليون ونص وعملت خبطه في الشارع جابت لها مسلا - 00:04:55

مسلا ايه ررف واصدام و بتاع تلقي الناس واقفة بتبعص كده حبيبة قلبيهم مكسورة يا عيني هم ما يملكونهاش انما صعبان عليهم ان الدنيا اتجرحت صعبان عليهم ان الدنيا الفخمة دي حصل لها حاجة. تلقي الناس واقفة عاملة ميتم. الغني يا جماعة. لو واحد غني اتصل بك تفرح قوي. لو واحد غني قال لك انا هزورك - 00:05:15

يا نهار ابيض! ده انت هتعمل فرح يقعع هيحب لك هدية ليه؟ الناس بتحب الغني ليه؟ لأن الهدية من الغني هدية. لأن العطية من الغني بفور الغني ممكن يديك شقة تغنيك طول حياتك. الغني ممكن يديك مبلغ يبني به مستقبلك. عشان كده الناس بتحب الغني لأن الغني عمره ما هيديك عشرة جنيه - 00:05:35

فهيديك خمسين جنيه ولا هيديك ميت جنيه. لما بيدي بيدي فالناس بتدور حوالين الاغنيا. لو واحد غني قال لك سلفني سلفك يا نهار ابيض! ده ده اجمل تلفة اسلفها في حياتي. لو واحد غني قال لك طلب منك طلب ولا واحد راكب عربية باتنين ثلاثة مليون جنيه وقفها جنبك كده. قال له لو سمحت انا بس عايز اعرف - 00:05:55

الفلانية يا سلام! ده انا يعني انا سعيد ان انا بافيديك هزه الافادة. الناس بتحب الاغنياء يا جماعة. الناس بتحب الفلوس قوي. للأسف الشديد يحبون المال حبا جما الناس بتحب الفلوس او اي. فلما تعرف ان ربنا عنده فلوس ربنا بيدي فلوس يا شباب ويمددكم - 00:06:15

باموال ويمددكم باموال. ربنا بيدي فلوس يا جماعة. ربنا بيدي فلوس. ربنا هو الغني. مش ربنا غني. ربنا هو قال الف ولا م بتاعة القصر والحصر ما فيش غيره غني اصلا. كل الباقي فقراء. ربنا هو الغني يا اخوانا. ربنا سبحانه وتعالى بيدي فلوس - 00:06:35

ربنا قال اسم الله الغني بيقدم حلا. الناس بتحب الفلوس او اي. واحد يعني احد اخواننا معي من ناحية البيت عندي كده. فلقى واحد بيتكلم واحد فالواحد يعني الثاني بيقول له ايه؟ بيقول له احنا انا خدامك قال له لا يا عم كلنا خدامين الجنية. كلنا خدامين - 00:06:55

جنبه شف الكلمة كلنا خدامين الجنية. زي الرجل اللي يقول لك انا احاط الورقة الخضرا على على راسي كده لما يجي لي صداع الورقة اللي بميت دولار. الصداع يروح على طول صداع يروح واحد يعني صاحبنا بيكلم واحد صيني بيكلمه عن ربنا قال له ربنا هو الدولار. قال له ازاي؟ استغفر الله العظيم. قال له الدولار ده هو اللي - 00:07:15

تضرنني وينفعني. الدولار ده هو اللي بيعمل او ما بي عملش. الدولار ده هو اللي بيصرف الامور والعياذ بالله. الناس بتحب المال لحد ما بتكرر ربنا بسبب المال. ربنا يقول لك لا يسأم الانسان من دعاء الایه؟ الخير. دعاء الخير يعني طلب الفلوس دعاء ده. الدعاء ده يعني

عبادة يا جماعة الدعاء هو العبادة - 00:07:35

يعني هيصلوا ويصوموا للجنيه. هيصلوا ويصوموا للدولار. زي الممسل اللي قال انا عايز مليون جنيه ويجي لي سرطان. ربنا ادي له المليون جنيه وجأ له سرطان. كسب ايه من هذا السرطان؟ وكسب ايه من ورا المليون جنيه؟ سبحان الله العظيم يا اخواني في الله يعني عايزين عايزين نقف قدام اسم الله - 00:07:55

قال غني انا عايزك تعيش بقلبك النهاردة مع خزائن الله. مع غنى الله. عايزين نتكلم عن خزائن الغنى عن خزائن مالك السماوات والارض. عايزين نكلم ربنا غني قد ايه. وكل الغنى اللي هنتكلم عنه ده اووعى تنسى. ده كل ده الغنى المخلوق - 00:08:15  
فوق اللي ربنا خلقه. الخزائن دي مخلوق زيها زيك. ربنا يقدر يخلق قد الخزائن دي مليار خزائن. وما لا يحصى. الخزائن دي مغلوب. غير الغنى ذاتي ربنا يقدر يخلق قد ايه بقى من الغنى. انما الغنى اللي هنتكلم عنه النهاردة ده الغنى المخلوق كمان. يعني ربنا خزائن ربنا دي فيها ايه - 00:08:35

يا ترى يا جماعة لو دخلت في خزائن مللياردير لو دخلت في خزائن بيل جيتس لو دخلت في خزائن اغنى عشرة على مستوى العالم لو بصيت الحياة اللي هم عايشينها. في العيشة اللي هم عايشينها. هتشوف مبهارات من الثروات قد ايه. كل الفلوس دي من خزائن الله. هنبدأ بازن الله سبحانه وتعالى - 00:08:55

بالحديث المبهر اللي كان ابو مسلم الخرساني لما بيرويه رجليه ما بتقدرش تقف. كان بيقع على رجليه كان بيكتفو على ركبته لما بيروي هذا الحديث عن ابي ذر رضي الله عنه وهذا قال عنه الامام احمد بن حنبل في هزا الحديث اشرف ما روی اهل الشام دا اعظم حديث اهل الشام - 00:09:15

ماذا في هزا الحديث القدسي العجيب؟ هنجيب منه جملة دلوقتي بس على ما نرجع له تاني. وربنا بيقول لك تصور مذهل لخزائن الله يا ابن ادم يا ابن ادم لو ان اولكم واخركم وانسكم وجنكم - 00:09:35

قم قاموا في صعيد واحد فسألوني فاعطيت كل واحد منهم مسأله ما نقص ذلك من ملكي الا كما ينقص المحيط اذا ادخل اليام. لما تجيب ابرة وتحطها في المحيط الاطلنطي. لما تجيب ابرة وتحطها في المحيط الهادئ. يا ابن ادم لو - 00:09:55  
ان اولكم واخركم السبعة مليار اللي على وجه الارض لا ده لو ربنا احيا الناس من ايام سيدنا ادم وجاب الناس لحد يوم القيمة والمليارات الممليرة كلها وقفت في مكان واحد. وجاب الجن بالمليارات بتوعهم كمان. وقفوا مع الانس في مكان واحد. لو ان اولكم ان يقين واخركم - 00:10:15

انسكم وجنكم قاموا في صعيد واحد. كله وقف في مكان واحد. مش بالدور. الكل في نفس واحد. والكل هيأخذ في نفس اللحظة سألوني كل واحد يقول يا رب انا عايز الكرة الارضية دهب. واحد يقول يا رب انا عايز ادي السماء الدنيا دهب. واحد يقول يا رب انا عايز كل واحد - 00:10:35

اطلب ما يشاء فاعطيت فورا فاعطيت كل واحد منهم. يعني ما فييش خطة خمسية هندي مية في مية. ده كله هيأخذ مرة واحدة الخزائن هنتفتح وهينزل على الناس العطاءات مرة واحدة. فسألوني فاعطيت كل واحد منهم مسأله ما - 00:10:55

اقصى ذلك من ملكي. كل ده مش هينقص من الخزائن الا كما ينقص المحيط اذا ادخل اليام. ايه ده! هو ربنا عنده فلوس للدرجة دي هو ربنا عنده مجواهرات للدرجة دي ؟ هو ربنا يا شباب يا غلبان خزائن ربنا مليانة عربيات - 00:11:15  
يا شاب يا اللي نفسك تتجوز، خزائن ربنا مليانة عرabis، يا بتنتي يا اللي عايزه زوج. خزائن ربنا مليانة عرسان. يا اخت يا اللي بقى لك عشر سنين ما خلقتيش. خزائن ربنا مليانة اطفال. خزائن ربنا مليانة دهب. خزائن ربنا مليانة وزايف يا اللي نفسك تشتفل - 00:11:35

خزائن ربنا مليانة سعادة يا اللي نفسك تعيش سعيد. خزائن ربنا مليانة عطاءات لا تحصى ولا تعد. وان من شيء واحد منكم الوقت نفسه في حاجة. كل واحدة نفسها في حاجة. ربنا بيقول لك وان من شيء ما فييش حاجة الانسان نفسه فيها. الا عندنا خزائنه - 00:11:55

لما تدخل سوبر ماركت كبير ولا تجمع تجاري كبير. عندكم دهب موجود. عندكم اكل موجود. عندكم عربيات موجود. عندكم ملابس موجود عندكم مفروشات موجود. عندكم ملاهي موجود. ربنا بيقول لك وان من شيء الا عندنا خزائنه. ده كل حاجة لها - 00:12:15  
خزائين على خزائين لما ربنا يقول لك والله خزائين السماوات والارض. اخواني واحبابي في الله عايزيين نعرف قد ايه غنى ربنا عايزيين نعرف غنى الله. عايزيين لما نسمع الحديث بتاع النبي عليه الصلاة والسلام. يمين الله سحاء. يمين الله - 00:12:35

في سحاء لا تغى لا يغى شيئاً شبيه الليل والنهار. يمين الله سحاء. يعني الخير نازل نازل فيضانات ربنا بيدي الخير للبشر وللمخلوقات فيضانات والخزائين ما بتخلصش. الخزائين قاعد انهر منها فيضانات وما بتخلصش. خزائين ربنا يا جماعة. انتم عارفين خزائين ربنا

فيها ايه؟ عايزة تعرف خزائين ربنا فيها ايه؟ بصل للمنازل الطبيعية واحنا قاعدين - 00:12:55

دلوقتني في جزر في المحيطات فيها كمية مناظر طبيعية تغلب العقل تطير العقل وما فيش مخلوق بيترج عليها. الوقت عن المحيطات فيه منازر للشعب المرجانية تطير العقل وما فيش مخلوق اصلاً يعرفها. فيه ملايين الانواع من الكائنات الحية عايشة لحد دلوقتني على وجه - 00:13:25

في الارض البشر لم يكتشفها. العلماء بيقولوا خمسة مليون نوع كائن حي لسه لم يكتشف حتى الان. ولا هيكتشف معزمهم ليوم القيمة. لمين ده يا رب لمين كل الجمال ده يا رب؟ لمين كل الجمال اللي في مليارات المجرات اللي البشر ما بيشوفهاش يا رب؟ لمين يا رب؟ مس لك يا ابني. ربنا الغني عنك - 00:13:45

ربنا الغني على انك انت تبص وتأمل وможك تقول سبحان الله وما تقولهاش. لمين ده يا رب ربنا عشان تعرف غنى ربنا. النهاردة وانا بابص في اهدي الكون ابص كده في لوحة عليها منزد اراضي خضرا طولية. كل ده طالع من خزائين. ابص لنور الشمس وهو نازل. النور ده جاي من - 00:14:05

قائم ابص يقول لك حديقة غناء يعني مليانة نعيم. مليانة انس مليانة بهجة. الكون كله غناء. غناء من زائد يا جماعة عايزة تعرف الخزائين بصل للسماوات. السماوات المهولة دي ربنا يقول لك والسموات مطويات بيمينه. الله! ده - 00:14:25  
القصر الجمهوري من ايام محمد علي مش هاين عليهم يهدوه. رغم انهم ممكن يهدوه بيبنوه تاني. يقول لك لأ ده متكلف كتير اوي مش هايب. ربنا بنى سبع سماوات يهدوهم في لحظة ويبني مكانهم تاني. معناها ايه؟ معناها ان ربنا قادر. لما رحنا الكعبة كلنا كنا مبهورين ليه؟ ده هدوا الفنادق اللي حوالين - 00:14:45

الكعبة يا ابني ده الفندق يجي له بتلتميit ربعمية مليون ريال. هم ده هدوا الجبل وبيبنوه فنادق. نقدر نبص كده ونبص لالات اللي شغالة اربعة وعشرين ساعة ونقول ده عندهم شوية فلوس يا اخي. ده الناس دي عندها مليارات الريالات مش عارفة تعمل بها ايه. امال ربنا يوم القيمة والسموات مطويات بيمينه - 00:15:05

سموات تههد وتتبني تاني. ربنا غني قد ايه؟ كل ده من خزائين يا جماعة. عايزة تعرف خزائين ربنا كل فلوس الاغنياء اللي في العالم دي فلوس بالجنس اللي من خزائين ربنا. اووعى تبهر بخزائين بيل جيتس. انهر بمنابع التقسيم اللي نزل منها للخزائين دي. اووعى تبهر بالفلوس بتاع السلطان - 00:15:25

اللي بيستحم في بانيو دهب. اللي اللي الطيارة بتاعته قصر طاير في الهوا. ما بياكلش غير في معالق دهب. عائل قصر الفين اوضة فيه متين وخمسين حمام. عنده خمسينية عربية مرسيدس وتلتميit لامبورجيني وتلتميit - 00:15:45

وتلتميit عربية بتتلي. وعشرين عنده الفين عربية من اعظم الموديلات اللي موجودة في العالم. بيتصنعوا مخصوص. الترايبيزة اللي بياكل عليها دهب. الحمام اللي بيدخل فيه مصنوع فيه من الذهب. ده ده واحد يا جماعة. ده ده بني ادم - 00:16:05  
كل اللي عنده ده من خزائين ربنا سبحانه وتعالى. عايزة تعرف ربنا غني قد ايه؟ عايزة تعرف ربنا سبحانه وتعالى عنده قد ايه؟ بصل الاغنياء بتوع الدنيا عندهم ايه؟ كل ده من خزائين. كل فلوس البنك المركزي اللي في القاهرة من خزائين. كل ارصدة المليونيرات بتوع مصر اللي في البنوك من خزائين. الفلوس اللي في جيبكم - 00:16:25

كلها دلوقتني من خزائين والفلوس اللي مش في جيبك وعندك في البيت من خزائين. المجوهرات اللي كل الستات لابسها من

الخزائن. الفاترييات بتاعة محلات الذهب والالماض اللي في الدنيا كلها من الخزائن الفلوس اللي في البورصة والارصدة اللي في البورصة والشيكات اللي بتتصرف يوميا كل ده - 00:16:45

الخزائن المجوهرات اللي استات لباسها. كل ده من خزائن الله. خزائن البشر. امريكا لما يقول لك اتفاق امريكا في الانفاق علم ميلارات في التسلیح مليارات. كل خزائن امريكا دي من خزائن الله سبحانه وتعالى. كل فلوس ملوك الخليج من خزائن الله سبحانه وتعالى - 00:17:05

كل ده عايز تعرف الخزائن فيها ايه ؟ الجنة الفردوس الاعلى من الخزائن. كل الجنة ده من الخزائن و خزائن ربنا ملأى كل الجنة دي من الخزائن. امير من امراء الخليج اوضة النوم بتاعته عنده اربع زراير. كل زرار يتك عليه السقف - 00:17:25

قدran والغضش كله يتتشال ويطلع مكانه الكتروني عفش تاني باوضة تانية. بتصاميم تانية. الاوضة دي متكلفة كم بقى ؟ ده ده امال يا جماعة الاوضة في الجنة متكلفة كام ؟ امال يا جماعة المتر في الجنة بيتكلف كام ؟ لما ربنا سبحانه وتعالى يقول لك ان الله يدخل 00:17:45 الذين امنوا -

وعملوا الصالحات جنات تجري من تحتها الانهار. القصر بتاع اهل الفردوس الاعلى القصر بتاعه فوق اهل يبصوا له كده وهم مبهورين وهو البلكونة بتاعته بتطل على نعيم اهل الجنة داير ما يدور. لأن الفردوس الاعلى فوق وفي وسطانية الجنة. فالجنة - 00:18:05 من غير ما يدور حواليهم وهم يبصوا عليها من فوق. اهي الجنة يبصوا كده القصور القصور بتاعة الامراء اللي مبنية فوق وقف الملك عبدالعزيز بкам ؟ قصر الملكي اللي جنب الحرم المكي بкам ؟ بкам يا اخوانا ؟ القصور الملكية اللي على الجبال في السعودية دي بкам يا جماعة ؟ كل ده بкам ؟ امال اصول الجنة دي تبقى بкам بقى - 00:18:25

الذهب بتاع الكرة الارضية كله ما يجييش الذهب بتاع ساق نخلة واحدة في الجنة. الجنة دي فيها دهب قد ايه ؟ الجلاطي الجليري ده حاجة يعني سبحانه الله العظيم شوفوا التحف والانتيكات وال حاجات اللي بتتابع فيه في هذه المحلات. شوفوا بقى بتاع الجنة قد ايه. شوفوا غالية - 00:18:45

قد ايه! شوفوا الجنة التحف اللي فيها شكلها ايه! شوفوا الجنة! الابهار اللي فيها شكله ايه! لما شفت القصور بتاعة ملوك الفرنسا قبل قيام السورة الفرنسية تبع للسقف ما فيش ملي من غير تحف. تبع للجدران ما فيش ملي من غير تحف. تبع للغضش للستائر للنبيش - 00:19:05

ما فيش ملي من غير تقدع. اومال اللي ربنا اعده للناس في الجنة شكله ايه ؟ يا جماعة ربنا غني قد ايه ؟ ده ملك مصر لما اراد انه يجوز بنته وقطر الندى بال الخليفة في العراق. عمل لها في كل محطة تنزل فيها قصر. من ميزانية مصر. مصر فلست - 00:19:25 قرب للمرات اللي مصر فلست فيها في التاريخ. خزانة مصر فلست. لما حاول يعمل فيها جدع ويبني لها كزا قصر في المحطات بتاعة الطريق سبحان الله! انما ربنا كل القصور دي وكل ده ما نقص ذلك من ملك الله. ده الخزائن ده الغنى المخلوق. مش الغنى - 00:19:45

الزاتي ده كل ده لا شيء اصلا في غنى الله. الغني سبحانه وتعالى. عايزين عايزين نعيش مع غنى الله. انما عايزك تخرج من اسم الله الغني وانت بتتذير فيه في حياتك. ان ربنا ممكن يغير لك حياتك كلها. ان ربنا ممكن يعمل لك كل حاجة. ان ربنا ممكن يغينيك عن البشر - 00:20:05

كلهم ان ربنا ممكن يديك عطية هو ربنا ما يقدرش يدي شقق يا جماعة! هو ربنا ما عندوش شقق! هو ربنا بيدي هداية وبيفتح افتح القلب للعبادة بس ربنا ما بيديش شقق. ربنا ما بيديش فلوس. يعني ربنا ما بيديش دنيا. يعني ربنا ما بيغينيش. هو ممكن في الدنيا يحفظك انه يديك - 00:20:25

مسلا مليار جنيه ليه ؟ اصل انت لو خدتهم ممكن تضيع. انما ربنا ممكن يغينيك. الله! بس اصل يا اخي الله يحجب الدنيا عن المؤمن من اجل ان يا ابني الله يحجب الدنيا على المؤمن ماشي. مش هتبقى بالجتنس يعني ميلارتين الا ان يشاء الله. انما هو انت طلبته وربنا ما ادكش ؟ حد فيكم يا جماعة طلبه ربنا ما ادهوش ؟ حد - 00:20:45

وقف يبكي بين ايدين ربنا في التلت الاخير ويقول له عايز اتجوز وما اتجوزش! حد فيكم وقف يبكي في التلت الاخير ويقول له عايز شقة وما خدش! هو انت يا ابني طلبت وما خدتش ؟ انت بتحسبك كده ليه ؟ احد اخواني من الشباب حبابي يعني ربنا يحفظه يا رب. الشاب ده كان غير ملتزم وكان شغال يعني في يعني في 00:21:05

بقى في السياحة والضياع والخمور يعني موبقات والعياذ بالله. بيقول سبحان الله لما تاب الى الله وربنا ايقظ قلبه بالايمان بيقول اطرد من الشغل بتاعه ما ينفعش بقى تربى لي دنقك وهتعمل لي الكلام ده. وكان بيأخذ يعني ايه فوق العشر تلاف جنده وحاجة قريبة من هزا المبلغ شهريا. فبدأ يبيع شرایط في الشارع - 00:21:25

ايمان ما كان لسة الشرایط موجودة بدأ يبيع كان لسة معي في رحلة بنجلاديش. ها بدأ يبيع شرایط في الشارع. والناس بقى بتبعص له بقى ايه ده! ربنا رزقه سافر السعداء - 00:21:45

راح اشتغل عند واحد ادي له مرتب محترم وادى له عربية فجه ميعاد انت عارفين اخوه التبليغ بيخرجوا في الدعوة الى الله. فعايز يخرج اربع شهور. الرجل قال له ايه - 00:21:55

كل اربع شهور قال له طب الف سلامة خرج رجع رفده. ما هوش عايزه. فهو مش عارف يعمل ايه وماشي ما هوش عارف يعمل ايه. ويحيب فلوس منين. بيقول لي ماشي في مكة فلقيت فندق - 00:22:05

كبير كده فاضي خالص. يعني فسأل قال له الفندق ده ما فيش حد في موسم الحج سكن فيه. ولا طلب انه يسكن فيه. بيقول ليتلتها لقى واحد بيتصل به بيقول له في وفد من تركيا تلات تلاف واحد تركي في اخر لحظة ربنا رزقهم تلات تلاف تأشيرة حج. ومش لاقين مكان يسكنوا فيه. طبعا - 00:22:15

المهنة دي في السعودية بتكسب ملايين. مهنة ان انا اعرف اجيب فوج واتوسط ما بين الفندق والفوج. راح للفندق لقى الفندق لستة فاضي. اتوسط ما بين الاثنين كان معه اتنين - 00:22:35

اصحابه ماشيين معه في الموضوع ده. السمسرة بتاعته كانت نص مليون ريال. نص مليون ريال بيقول خد الفلوس حوالي ربعمية وي يعني الف ريال بيقول خد الفلوس في نفس في يوم مضوا العقد بيقول خد الفلوس قال لاصحابه احنا التلاتة كنا بنمشي مع بعض قالوا له احنا ما لنا ده شغلتك انت. ده قال لهم هنقسمها ما دام كنا مع بعض. بيقول - 00:22:45

نصيببي كان حوالي مية واربعين الف ريال. مرتب سنة كاملة. قال لي ربنا بعت لي في يوم رزق سنة. في يوم رزق سنة. يعني هو انفق ايام واسابيع وشهور عشان الدعوة الى الله. ربنا في يوم بعت له اسم سنة. رزق سنة. ربنا الموت - 00:23:05

ربنا يقدر يغنيك. اسألوا المليونيرات بتوع الدنيا كلهم. انا لما اقعد مع حد مسلا من الاغنيا يقول لك ده ده هي صفة في لحزة جت بقى يا غبي ربنا لما بيبني بيغني في لحظة بتلاقي نفسك بيتفاغني. ولكن احنا مش عايزين نتكلم عن اسم الله الغني عشان نتعشم في فلوس كتير. احنا عايزين نسدديونا - 00:23:25

وعايزين ربنا يدينا آآآ الحاجات الصغنة دي يا رجال الشقة والعربيه والايه حاجات الایه الحاجات الخفافي ديت اقوى شوية فلوس كده برضو نعرف نصرف شوف منها نصل بها ارحمنا ونبر بها جيراننا ونتصدق بها على الفقراء زي النبي قبلبعثة كده انك لا تصل الرحم وتطعم المسكين وتعين على نوائب الحق - 00:23:45

وتكتب المعدوم. احنا مش عايزين غير كده. بس مش عايزين من الدنيا اكتر من كده. وعايزين من اسم الله الغني بقى انواع الغنى الثانية اللي احنا هنتكلم عنها دلوقتي. ولكن انا عايز - 00:24:05

عايزك تعرف ربنا غني قد ايه. واحد راح لاحد الدعاة في الخليج بيقول له يعني شاب وما عندهش راجل وما عندهش مكان يأويه. فيبيقول له انا عايز شقة قال له اسأل ربنا ان ربنا يديك شقة. القصة دي حقيقة طبعا. قال له اسأل ربنا ان ربنا يديك شقة. قال له يعني هو ربنا عنده شقق؟ هو مش ربنا عنده بس هداية - 00:24:15

ويا رب اديني الجنة هو ربنا عنده شقق! قال له ربنا عنده شقق! ربنا عنده بيوت! ربنا عنده بيوت! فالراجل مشي كده! وخلاص يعني الرجال كسفه الشيخ كسفه! يعني ايه ما رضاش - 00:24:35

يزعلوا بجد هو في زنه كده يعني. الرجل مشي من هنا جه واحد خليجي للراجل للشيخ قال له انا باني عمارة وعايز اوقفها لله. اديها للشباب اللي لسة بيتجوز كل واحد ادي له ايه؟ ادي له الشقة كده كذا سنة ولا حاجة لحد ما وقف على رجليه. الرجل جاي للشيخ بعدها على طول قال له الشقة موجودة. فالراجل مش مصدق - 00:24:45

فالشيخ بيقول كل ما الرجل يشوفه يقول له ايه عنده بيوت. فعلا ربنا عنده بيوت. خلاص انا صدق ان ربنا عنده بيوت. صدق ان ربنا عنده في شقق. صدق ان ربنا خزائنه مليانة اولاد. صدق ان ربنا والله يا اخوانى يعني اخ سبحان الله العظيم كان جاي كنت انا وافق يعني. وطلب من اخ يعني - 00:25:05

كان وافق قال له انا بقى لي عشر سنين لا انجب عشر سنين لا انجب. يعني ونفسى في عيل فيعني الاخ رفع ايده ووصى من السما قال اللهم ارزقه ذرية. بعدها قابلنا الاخ ده اقسم ان في نفس الشهر زوجته حملت. في نفس الشهر بعد عشر سنوات. ربنا عنده - 00:25:25

بس المشكلة فينا احنا. ربنا المغنى سبحانه وتعالى ربنا الغنى سبحانه وتعالى الذي يعني عباده. طبعا يا اخوانى يعني لما تعرف ربنا يقدر يعني قد ايه وربنا سبحانه وتعالى يقدر يدي ايديه احد الشباب راح للشيخ الشنقيطي في الحرم فقال له يا شيخ انا واحد من الشناقطة يعني قال له انا - 00:25:45

عندى انا رايح اتقدم لوظيفة ومحتاج واسطة عشان خاطري يا شيخ يعني الشيوخ في السعودية لهم وضع كبير يعني. مش ذي الشيوخ في مصر. الشيوخ في مصر بتجرى وراهم انهم ماشيين في السعودية يعني ايه لهم اعتبار كبير في البلد يعني. فقال له يا شيخ شف لي واسطة الله يكرمك عشان الوزيفة ديت وانا غلبان وعايز اتجوز وعايز وعايز الشیخ قال له - 00:26:05  
هقدر اشوف لك واسطة. قال له يا شيخ واسطة كبيرة. قال له واسطة كبيرة. قال له خلاص قال له خلاص. الشيخ الشنقيطي قام الليل وقعد يبكي ويدعى له. ان ربنا يرزقه. فالشاب جاي له بعدها - 00:26:25

ما راحش يتأدب بقى للوظيفة. فقال له شفت لي وصى يا شيخ؟ قال له شفت لك وصفة. قال لي كلمتها لي؟ قال له خلاص كلمتها. قال له مين يا شيخ؟ قال له ربنا. قال له يا شيخ انا باقول لك واسطة وانت تقول لربنا - 00:26:35

فالشيخ قال متأثر بقى بكي وغضب على الشاب قوي وغضب قوي من ان ايمانه ما وصلوش ان هو يفهم قيمة الكلمة دي. فالشاب رجع لنفسه يعني ايه؟ استغفر ربنا وتاب. واحد يدعى ربنا بقى وخلی يقينه على الله سبحانه وتعالى. الموقف هزه من الشيخ يعني. فراح كان رايح يتقدم لوزيفتين. راح للوظيفة الاولى - 00:26:45

رفضوه. فراح للوظيفة الثانية على طول بعدها. راح للوظيفة الثانية فداخل كده فلقى واحد صاحبه هناك. فبيقول له ايه ده ايه اللي جابك هنا؟ اترني صاحبه ده المدير. هو رايح - 00:27:05

عيل موظف هو مناه انهم يقبلوه موظف. صاحبه بيحبه قال له ده انت امكانياتك اكبر من انك تبقى موظف عادي. انا هاخليك النائب بتاعي خرج وهو نائب المدير رجع للشيخ قال له نعم الواسطة. نعم الواسطة ربنا سبحانه وتعالى. نعمة ان ربنا نعمة الرب وربنا يا جماعة. ان ربنا رجع - 00:27:15

مدير يعني يا اخواننا ربنا لما بيدي سبحانه وتعالى ربنا لما بيعطي ربنا لما عطاءاته بتتهر سبحانه وتعالى طبعا ده يعني انا المقصود اللي انا عايز اقوله لكم ان الدين بيحيب غنى يا جماعة. يا اخواننا الدين بيحيب غنى. واحد هيبيص كده يقول لي ايه؟ انت مش شايفنا ولا ايه - 00:27:35

انت مش شايف السويف شيرت اللي انا بقى لي تلات سنين باحضر لك به ولا ايه! دين ايه يا عم اللي بيحيب كده يا عم! انت الدين بيحيب غنى! ازاي يعني - 00:27:55

هو انت عندك دين هو انت معتقد ان اللي احنا بنعمله ده دين؟ هو انت معتقد فين الجهاد يا ابني؟ فين يا ابني اللي تعال بقى شف الدين بيحيب غنى ازاي - 00:28:05

تعال شف ربنا ادي للانبياء ايه. اداهم ايه في الجنة؟ اداهم ايه في الدنيا؟ في الدنيا. تعال شف ربنا ادي للصحابه ايه. تعال شف ربنا

ادى زوجات النبي ايه لما خيروا في يوم من الايام النبي مهما زاد الدخل بنتائج الغنائم ما فييش زيادة في الانفاق البيتي. احنا اهل اخره.

وكل زوجات النبي - 00:28:18

النبي الا واحدة بس. وده اللي كتير من الناس ما يعرفوش ان فيه واحدة اختارت انها تطلق لانها مش قادرة تصبر على عيشنة الفقر مع النبي عليه الصلاة والسلام وده اللي كتير لا يعرفه هزا هزا الامر. هذه المرأة افتقرت لدرجة انها كانت بتلم البحر من الطريق وتقول انا الشقية والعياذ بالله. واستسقاء النبي - 00:28:38

بقى يجي لهم الملايين. كل واحدة يتوزع عليهم الملايين بعد موت النبي. عليه الصلاة والسلام. شف الصحابة اختنوا قد ايه. الصحابة قال لها هم مش كانوا فقراء هم اللي كانوا بيرموا الفلوس. انما اللي قبل الفلوس منهم كان ساكن في قصور. يقول لك قصر سعد ابن ابي وقاص. قصر سجنه في قصور - 00:28:58

الصحابة كانوا ملioniات. عبدالرحمن بن عوف كان بيحب القافلة بمالايين مملينة. الصحابة يا جماعة شوفوا ربنا خلاهم ملوك. الانبياء شوفوا ربنا يا جماعة الدين بيحب فلوس. الدين بيحب غنى. اكتر حاجة بتجيبي غنى في الحياة هي الدين. لما - 00:29:18 المهندس اللي هو انت عارفين اللي هو فتح مشروع فقال لربنا له عشر المكاسب. فلقي الدخل بيتضاعف. قال خلاص ربنا له الربع بيتضاعف خلاص ربنا له الترم. بيتضاعف خلاص قال يعني الكلمة بتاعته بتعبيره يعني ربنا شريك في التجارة دي. خمسين في المية وخمسين في المية. لقى الدخل بيتضاعف - 00:29:38

لحد ما وصل لتسعين في المية من الدخل بتاعه. تسعين في المية من الدخل بتاعه للصدقات. وراجل مليونير. يعني هو مش راجل قليل! ده هو سروته نفسها مليونير. يعني سبحان الله العظيم يعني يعني اسمع ان يعني ايه ان هذا الرجل بيعطي عطاءات غريبة يعني لاي حد بيلاقني به او حد يعني سبحان الله - 00:29:58

والله العظيم ولكن احنا هنا بنتكلم عن اسم الله الغني ليه؟ ليه؟ عشان ربنا لا يغنينا الا به. احنا عايزين من ربنا. احنا عايزين عشان كده اللي في اسم الله الغني. ضربوا امثلة في الاستغناء تطير العقل. تفوق الخيال. اللي عرفوا اسم الله الغني عبدالرحمن ابن عوف رايح - 00:30:18

ادينا معدم معدم. ما عندوش فلوس يقدر يسكن بها. سعد ابن الربيع قال له سروتي. سعد ابن الربيع رضي الله عنه اللي اقتل في احده. النبي اخى بيته وبين عبد الرحمن ابن عوف رضي الله عنهم اجمعين قال له سروتي بالنصل بيني وبينك كان غني جدا. وقال له انا متزوج اتنين انزر الى ايهما اعجبك يعني - 00:30:38

في الدرجة سيدنا سعد بن ربيع عرض عليه نص سروته عبدالرحمن بن عوف رفض قال له لا بارك الله لك في اهلك ومالك دلني على سوق المدينة وراح واشتغل ليه؟ مستغنى بالله. الاستغناء بالله يا جماعة. ضرب امثلة في الاستغناء بالله ان جات فرصة ان شاء الله نتحدى في هزا الموضوع في اخر - 00:30:58

في الدرس امثلة تفوق الخيال في الاستغناء بالله ليه؟ خلاص يا ابني انا ما امشي انا ما عدتش آآانا ما عدتش اسم الاخ حازم حبيبي انا حازم باشا الوقتي. ليه - 00:31:18

اصل انا مش من اللي في جيبي ده انا باللي في الخزائن. هو انا لو ابويها في جيبيه مليون جنيه هو انا جيبي فاضي احس ان انا قلقان! ما اللي في جيبي ابويها في جيبي. لو ربنا تولاني انا - 00:31:28

كنت في الخزائن ده في جيبي عشان كده اللي يفهم اسم الله الغني يتعامل مع الحياة تعامل الاغنياء. ليه؟ لأن هو بيأخذ من الخزائن لأن هو بيأخذ من الخزائن مش - 00:31:38

خد مين؟ مش بيأخذ من آآمن اللي في جيبيه. دي قضية خطيرة جدا يا جماعة. قضية الدين بيحب غنى! اه الدين بيحب غنى! لما كنا في الدفعة كنا حوالي - 00:31:48

خمسة اشهر اخر كده خمسة اشهر واحد يعني ايه ملتزمين يعني او بيحاولوا يجتهدوا في الدين او كده مسلا يعني طبعا يعني ممكن واحد مش ملتحي واشد اجتهادا انما يعني ايه دي الشلة بتاعتنا بقى يعني. اول ما اتخرجنا احنا الخمسة اشهر جربينا على الجواز. والله

العظيم يا اخواني كان منا اخوة مش فقرا - 00:31:58

يعني كلمة فقرا ديت يعني ايه؟ كان فيها يا اخوة شبه معتمد. يعني كان منا يا اخوة تدخل بيتها انت اصلا ما انتاش عارف البيت انت انت يعني فقر شديد جدا وكنا لا نملك اصلا. نملك مين؟ ده احنا داخلين بيوت وحاطين رجال على رجال. واحنا لنا شروط في الجواز.

شرط مين يا ابني؟ احنا ما فيش معنا اصلا جنبيه - 00:32:18

كلنا يعني حالتنا واللي يقدر والجدع اللي يقول لوالده مننا انا عايز اتجوز كان ابوه يرميه من الشباك على طول تتجوز مين يا ابني  
انت انت مش شايف نفسك ولا ايه - 00:32:38

وكلنا جربنا على الزواج وكلنا واحنا لسة متخرجين خطبنا واتجوزنا. وباقى زمايلنا كلهم بيصوا ان ده شيء جنونى. احنا لازم نبني  
نفسنا ولازم انت معنا فلوس ولازم نجيب شقة ولازم نجيب تمن المش عارف ايه وتمن ايه. هل واحد فينا اتنزق ماديا؟ هل  
واحد فينا لم يغنبه الله من فضله - 00:32:48

سبحانه وتعالى ولا واحد ولا واحد فينا تأثر ماديا. ازاي؟ ما تقولش زاج. رغم ان سبحان الله منا اللي زي دكتور عبدالرحمن كده اللي  
كان يجي له عقد عمل بالاف الريالات. وهيشتغل تلات اربع ساعات في اليوم ويرفض. يرفض ليه؟ يقول لك الدعوة في مصر وانا مش  
هسيب مصر. وهو ممكنا - 00:33:08

احوج ما يكون الى الجنيه. مش الى التمان تلاف ريال اللي جايين له. الكلام ده من سنين طويلة واحنا لسة متخرجين كمان. يعني  
كانت سروة سروة حقيقة ويرفض ليه الدعوة الى الله؟ دي - 00:33:28

بالله. انا باقبض من ربنا هنا بالعملة الصعبة اوبي. ده انا هاقبض الكلام ده قصور في الجنة. ده انا هاقبض الكلام ده فتوحات. اموال دي  
كلها ما تجيهاش. انا احنا بنقبض بالعملة الصعبة يا جماعة. يوم القيمة العملة حسنات. احنا بنقبض بعملة تانية. وما يغنى عنه ما له -  
00:33:38

اذا تردى فلوس ايه اللي هتنفع يوم القيمة ولا في الدار الاخرة؟ العملة بتتغير تماما. سبحان الله العظيم. بص للأنبياء ربنا اغناهم ازاي  
؟ سيدنا ابراهيم ده دبح العجل للضيوف. عجل! يعني انا يعني ده انا لو كريم اوبي هجيب لك يعني ايه كل واحد شوية رز وحنة لحمة  
جنبها يعني. عجل! بيقى سيدنا ابراهيم - 00:33:58

كان عنده ايه؟ واول من ضيف الضيافان سيدنا ابراهيم يعني ايه اول من ضيف الضيافان؟ يعني اول من ابتكر استخدام الاكرام في  
الدعوة الى الله. انه هو يوقد النار ويذبح العجل وكل اللي يجي له يغرقه اكل ليه؟ عشان عايز الناس تيجي تسمع عن الدين. فاخذ  
من هذا - 00:34:18

خد التبليغ خده من هزا يعني قاعدة كده بيسموها دعوة بلا اكرام اجرام دعوة بلا اكرام اجرام يقول لك انت لازم ادي للناس. الله! لازم  
ناس تصدق ان في اخرة لما تطلع من جيبك حتى وانت محتاج الناس تصدق ان في اخرة. فقال لك دعوة بلا اكرام اجرام يا عم هو  
انت بتدي من جيبك - 00:34:38

انت بتدي من خزائن الله سيدنا محمد كان يعطي غنم بين جبلين من فلوسه يا جماعة. ده دي من ملكية سيدنا محمد عليه الصلاة  
والسلام. كان يعطي بين جبلين عليه الصلاة والسلام. سيدنا ايوب كان ملطف مليونير. قبل ما يبتلى بالمرض. ولما ربنا شفاه امطرت  
عليه السماء جراد من - 00:34:58

اسمعوا يا امة محمد امطرت عليه السماء جراد من دهب ربنا مطر عليه السما دهب. مين اللي قال ان ربنا ما  
بيديش فلوس؟ مين اللي قال ان ربنا ما بيغنىش بالفقر؟ مين اللي قال - 00:35:18

وربنا ما بيسيدش ديون. مين اللي قال ان خزائن ربنا ما فيهاش كل الدنيا اللي احنا محتاجينها؟ من الذي افترى على الله هذه الفري؟  
ربنا مطر نبى مش على واحد حتى عادي على نبى جراد من ذهب. فاخذ يحثو الذهب. فربنا قال له الم اكن اغنيتك عن من فضلي؟  
قال - 00:35:38

هو من يشبع من فضلك يا رب. ما انا هاخد الفلوس دي يا رب اسخرها. سيدنا سليمان دبح عشرين الف فرس من الصافونات الجهاد

في يوم ملكيته الخاصة مش ملكية الدولة مش اموال الدولة العامة. ده ده كانت الخيول اللي سيدنا سليمان مجموعها لنفسه. عشرين الف خيل الخيل ما تقلش عن مليون جنيه. يعني - 00:35:58

عشرين مليار في يوم. مين اللي قال ان الانبياء والذى افتقر منهم زي النبي عليه الصلاة والسلام مسلا في غالب احواله هو اللي اختار وهو اللي مش عايز. هو اللي الدنيا بتيجي له - 00:36:18

بيطلعها زي ما النبي خرج من المسجد لقى اموال البحرين كده دهب متكدس لم يلتفت اليه اصلا. لم ينزر اليه عليه الصلاة والسلام. هو اللي مش عايز. ولكن اكيد ربنا بيدي ربنا بيدي. الله الغني يا جماعة. خزائن ربنا مليانة كل حاجة. طب و خزائن امريكا؟ خزائن امريكا بقى اللي بتتفق المليارات! يا ابني مش عايز - 00:36:28

الدين اتخدع. يا اخوانا مش كل ما يحصل ازمة اقتصادية في مصر اجروا على دولة غنية. آآ غيروا الحكومة. يا عم غيروا الحكومة. المشكلة في الحكومة. يعني هو انت جبت - 00:36:48

اه بتاع وحطيت مكانه في ده. يا ابني الحل العلاقة مع الغني. المشكلة في العلاقة مع المغني سبحانه وتعالى. هي دي المشكلة الحقيقة قضية ان احنا نعرف غنى الله سبحانه وتعالى لما كنا مع ربنا الدولة الاسلامية لما كانت مع ربنا كان عمر ابن عبد العزيز - 00:36:58

مليانة يقولوا له فاضت الخزائن. ما هو ربنا ببنزل من خزائنه علينا. قال لهم قال لهم زوجوا كل من لا زوج له. يعني الشباب اللي في المسجد دول كلهم اجوزوا على - 00:37:18

طب الحكومة وبعد كده قالوا له فاضت الخزائن قال لهم اعطوا دابة لكل من لا دابة له. يعني كل شاب منكم يروح اي معرض سيارات يا جماعة ياخذ العربية اللي هو عايزها ويمضي ورق - 00:37:28

بس عشان يستلموا الفلوس من الحكومة. بعد كده قالوا له فاضية الخزائن. قال لهم ادوا ديون كل من عليه دين. يعني اللي مديون الحكومة هتسد له. اللي عليه اقساط عربية الحكومة - 00:37:38

اللي خد شقة من الحكومة وعليه اقساط الحكومة هتسد له. اللي اتدin في جوازة بنته الحكومة هتسد له. اللي كان عايز يعمل عملية ويتداهن فيها الحكومة تدي له. قالوا له فاضل - 00:37:48

الخزائن قال لهم انصرعوا الحب على رؤوس الرجال حتى لا يقال ان الطيور جاعت في بلاد المسلمين. الخزائن مليانة. تيجي الوقت تقول الدين ما بيجيبش فلوس. الدين بيجيب فلوس. الدين بيجيب غنى. الدين بيحال مشاكل الدنيا - 00:37:58

اما انا فقير ليه؟ امال اغنى واحد قاعد في الدرس دلوقتي في جيبيه وسبعة جنيه ليه امال تلات اربع اللي قاعدين قدامي مش عارفين يتجوزوا ليه؟ ليه ما باخدش؟ لما ربنا غني اوبي كده ليه ما باخدش؟ عارف لما واحد يكتشف - 00:38:18

ان ابوه مiliاردير هو ما كانش يعرف لما ربنا غني اوبي كده انت بتاخذ بس فيه احتياجات انت محتاجها وما انتاش واحدها طب انا ليه ما باخدش؟ حد يقدر يقول لي المفاجأة المزهله احنا ليه ما بناخدش - 00:38:38

عارفين احنا ليه ما بناخدش؟ قاصدكم واقول لكم السبب ونشرحه بعد الاذان زنوب عشان ما بتطلبش. ازاي ما بتطلبش هنصد نفسنا بها بس بعد الاذان الحمد لله وكفى وصلة وسلاما على عباده الذين اصطفى. اللهم لك الحمد كله و لك الملك كله. وبيدك الخير كله واليک يرجع الامر كله - 00:38:58

اه يعني نسأل الله سبحانه وتعالى ان يكفيانا بحاله عن حرامه وان يغتنا بفضله عن سواه. اه يعني احنا مش عارفين طبعا الكلام عن اسم الله الغني كتير جدا يا جماعة - 00:39:28

فانا مش عارف اعمل ايه يعني ايه انا الوقتي في العنصر الاولاني. يعني انا عايز اتكلم عن خزائن الله. فانا في العنصر الاولاني خزائن الله انما يعني فيه كلام خطير جدا عن معنى الغنى اصلا. فيه كلام خطير جدا عن يعني جوانب اخرى في اسم الله الغني. فاحنا هنشوف بقى انما فيه نقطة لازم نخلصها النهاردة - 00:39:38

المرة الجاية ربنا سبحانه وتعالى يفرج علينا جميعا يعني ان شاء الله. سواء نواصل الموضوع او نشوف يعني امر اخر بازن الله

سبحانه وتعالى. انما فيه نقطة خطيرة جدا يا اخواني. يا جماعة احنا - 00:39:58

احنا ليه ما بناخدش ؟ انت بتاخذ ، وغرقان. بس احنا ليه ما بناخدش ؟ لانك ما بتطلبش ، هي ديت المشكلة الكبيرة. هو انت فاكر ان احنا المجهود اللي بننزله ده المجهود الكم اللي بننزله في الدعاء ده! ده المجهود المطلوب! ده انت لو قلت يا رب اديني مصباح علاء الدين ماسكه - 00:40:08

هو ربنا استغفر الله العزيم وربنا يعني يا ابني انت ده لو حصل معك كده انت تفسد اصلا. ولا عامل زي ولاد الملوك كده اللي بيحلموا به بياخدوه طب ناس عندها اكتئاب نفسي. ليه؟ لان هو ما ينفعش انك انت تعامل هزه المعاملة. مش دي المعاملة اللي انت تنصلح بها. اول حاجة انك ما بتطلبش. تاني سبب - 00:40:28

ان انت ما بتتصبرش. تالت سبب ان انت ما بتحسنن. يعني ايه؟ يعني ايه ما بتطلبش؟ انا عايزكم تعدوا معندي يا جماعة اوقات اجابة الدعاء انا لما بدأت اتدبر في عدد اوقات اجابة الدعاء اليومية. مش الاسبوعية الاسبوعية يعني الساعة الاخيرة من يوم الجمعة اللي قبل المغرب. حد يقدر يقول لي مين - 00:40:48

مین قعد الساعة اللي قبل المغرب يدعو ربنا النهاردة؟ ها؟ دا مصيبة. المنزد اللي انا شايفه قدامي دا مصيبة. وجاي يقول انا ما باخدش ليه؟ تاخذ ايه يا ابني؟ تاني يا جماعة يمكن يكون الناس مش واحدة بالها من السؤال. مین يا جماعة قعد الساعة والله ما انا مصدق. اللي يعني اللي انا شايفه ان انا مش مصدقه. مین يا - 00:41:08

يا جماعة قعد الساعة اللي قبل المغرب النهاردة يدعوي وزعلانيين من الفقر اللي مالي حياتنا وزعلانيين من المصايب وقاعد يقول لك اتجوز ازاي وقاعد يقول اللي احنا بنعمله ده معناه ان منسوب اليقين في القلوب في كارسة. ان اخطر ساعة اجابة في الاسبوع هي والتلت الاخير من الليل - 00:41:28

طب مین يا جماعة التلت الاخير من الليل امبارح ؟ الساعة اللي قبل الفجر رفع ايده لربنا. طب انتم زعلانيين من ايه يا اخوانا طب وانت عارف انت ماشي صح ولا غلط منين اصلا! ده انت لو حياتك مليانة نجاح اقسم بالله وبترفع ايدك ممكن يكون نجاحك - 00:41:53

اكبر وبال عليك في حياتك. وممكن يكون احلامك اللي بتتحقق دي اكبر وبال عليك في حياتك. انت عارف منين انت صاحي ولا غلط؟ وانت عارف منين اللي انت فيه ده - 00:42:13

كوييس ولا وحش والمشاكل اللي عندك تتحل ازاي ؟ يعني المسجد الناس اللي قاعدة دهيه الشباب اللي قاعدين ده هو ثلاثة اربعة اللي اخطر وقتيين اجابة دعاء قبل الفجر دعاء الاسحار وال ساعة الاخيرة من الجمعة ثلاثة اربعة اللي رفعوا ايديهم وقالوا يا رب يبقى يا اخوانا يبقى - 00:42:23

فعلا اكبر سبب انك ما بتاخذش انك ما بتطلبش. انك انت ما بتطلبش وجاي دلوقتي يقول انا ما باخدش ليه؟ وتابد ليه؟ هتابددها ازاي هيتسغفر العزيم ربنا لا حرج في فضل الله. ولكن ده يبقى الاحوال بتاعتتنا دي بقى ده ده احنا في نعمة كبيرة اوبي احنا كده اصلًا. اول تعالوا عدوا معندي اوقات - 00:42:43

اجابة الدعاء. عدوا معندي. اول وقت اجابة دعائية وانا عايز الوي يا امي. مش الاسبوعي ولا السانوي ولا حد يقول لي ليلة القدر ولا حد يقول لي الحج. ولا حد يقول - 00:43:03

اللي جوة الكعبة انا عايز الاوقات اليومية السابعة. ها وما حدش يقول لي الصائم حتى يفطر والصائم حين يفطر. انا مش عايز الحاجات اللي الواحد بيعملها اوبي ما بيعملهاش. انا عايز الحاجات اللي كلها على الجميع. حد يعد معندي ها؟ بين الادان والابيه؟ والاقامة. يبقى كده كم وقت جاب الدعاء - 00:43:13

خمسة ما شاء الله الناس الحساب التطهور اهو. وايه كمان؟ السجود انت بتتصلي كم ركعة في اليوم فرض سبعتاشر في اتنين يبقى اربعه وتلاتين وقت اجابة دعاء. وايه كمان؟ بعد كل صلاة اخفي عليك كده بقى - 00:43:33

الناس المزاكرة كوييس دي مشكلة اصلا احنا عايزين مفاجآت بعد كل صلاة يبقى خمسة كمان ها؟ التلت الاخير من الليل يبقى دي

واحد. واحد بس تلات ساعات. ها؟ لا في كل وقت ده لو - 00:43:53

جمعت قلبك على الله بالخشوع.انا عايز الاوقات انا عايز الشيكات الممضية على بياض. بعد الایه؟ قبل التسليم في صلوات الفرائض قبل ما تسلم السلام عليكم ورحمة خمس مرات. ها ايه كمان؟ ما هو المسافر انا بقول لك انا مش عايز - 00:44:13  
حاجة الواحد بيعملهاش انا عايز الحاجة اللي علينا كلنا. برضو انا عايز الحاجات السابعة اللي هي الاساسية خالص. جميل كل دى اوقات طبعا ان شاء الله بازن - 00:44:33

انت عندك حين سمع الاذان. ها ان قلت الاذكار ادي خمس مرات. وبعد الوضوء ان احسنت الوضوء ادي خمس مرات. وبين الادان اقامة ادي خمس مرات. وبعد الصلوات المكتوبات دبر الصلاة ابقي خد خمس مرات. وما بعد التشهد الاخير قبل التسليم في الفرائض. ادي خمس مرات. وفي - 00:44:43

الثالث الاخير من الليل ادي مرة حد منكم يعد معي. واربعة وتلاتين وقت اجابة دعاء في الاربعة وتلاتين سجدة فريضة غير التوافل ده يجمعكم واحد؟ ستين وقت اجابة دعاء - 00:45:03

ستين شيك على بياض السما بتمطرهم عليك كل يوم. غير بقى تعالى بقى للصائم حتى يفطر اتناشر ساعة اجابة دعاء. والصائم حين يفطر. وزي ما انتم قلتم كل وقت لو جمعت قلبك على الله. واتوضيتك وصليلتك ركعتين وتولدت. ولو رحت تصدقتو ودعىتك - 00:45:18

ولو زرت مستشفى الفقراء لمرضى وفقراء ودعىتك. ولو وال الساعة الاخيرة من يوم الجمعة ولو وصلت رحmk ودعىتك. ولو مرغت وشك في التراب ونزلت سجدة. قال ابن تيمية عنها لا بأس بهذا ودعىتك. كل ده انتا عايز ستين شيك على بياض كل - 00:45:38  
في يوم انا عايز كل واحد منكم يقول لي النهاردة كم شئ اكتب فيه؟ القصة اللي بنقولها الرجل الملياردير اللي الثاني بيقول له جبت ثروة ازاي؟ ادى له على بياض وقال له اكتب اللي انت عايزه. اتلخ واتلبخ قام شده منه وقال له انت ضيعت الفرصة. انت كل يوم ستين شيك مضينا على بياض بتضيعهم على نفسك - 00:45:58

شيك واحد منهم يجوزك. شيك واحد منهم يسعدك. شيك واحد منهم تتفقه به في الدين. شيك واحد منهم انت يعني يعالجك من المرض اللي عندك. ان جمعت قلبك على الله. يبقى اول سبب ان احنا ما بناخدش ايه؟ ده احنا بناكل كتير او يبس يعني الحقيقة احنا ما بنطلبش - 00:46:18

والفضيحة اللي يعني اللي احنا كلنا واقعين فيها بلا استثناء واللي بيتكلم اول واحد قبل اللي بيسمع اللي تعرضنا لها يا جماعة تدل على ان ايه ده! خمسة اللي رفعوا ايدهم في الساعة الاخيرة من يوم الجمعة! خمسة او اربعة او ثلاثة كيف هذا؟ السبب الثاني ان احنا ما بناخدش ايه - 00:46:38

ان احنا ما بنصبرش بس انا هكمel فما بنصبرش ازاي. دا انت بحسب ان نص المسجد هيرفع ايده ويقول احنا بنطلب. فكنت هكمel في موضوع الصبر انت اقول ايه؟ ان احنا ما بنصبرش يقول لك انت دعىتك ربنا وما استجاب لك ما استجاب لك ليه؟ حضرتك عملت ايه؟ يبقى دعىتك ربنا قل لي حضرتك عملت ايه بس الاول كده؟ انت بتقف - 00:46:58

على عيادة الدكتور شهر لحد ما يجي لي الدور بتابع الكشف بتابعك. قل لي بقى حضرتك وقفت على باب ربنا قد ايه كده؟ قل لي بس كده ما تتكتسش من نفسك وقل لي اللي انت - 00:47:18

بتقول ان الدعاء. انت لو عايز تجيب شقة في المساكن الشعبية. شقة في المساكن الشعبية. ها حضرتك بتروح المحافظة وتقول لهم انا عريض جدي وعايز شقة في المساكن الشعبية ولا املك اي شيء. من حطام الدنيا الفعلى. يقول لك طب يا حضرة رح بقى المركز بتابع الكمبيوتر ومش عارف ايه هات لنا بيانات عيلتك - 00:47:28

بالكمبيوتر وجد جدك والعيلة من اولها لآخرها كان شكلها ايه وبتعمل ايه. تروح وتحجي. يقول لك يا حضرة بقى رح هات لي بقى ايه مستخرج رسمي السجلات الرسمية مش عارف ايه. حاضر. وبعد كده حضرة بقى رح الشئون الاجتماعية. هات لي بحس اجتماعي ان انت تستاء. حاضر. وبعد كده يا حضرة رح بقى وزارة الاسكان. ومجمع - 00:47:48

التحرير والشعر العقاري وهات لي ان انت ما تملکوش شقة ولا عندکم فلوس تجيبيوا بها شقة. حاضر. وبعد كده يا حضرة روح بقى الخمسين مصلحة كده بس هتخلص لي الامضاءات دي من شوية وكلاء وزارة وشوية مش عارف ايه. عشان حاضر. وبعد ما الملف تم الف مبروك يا حضرة الملف بتاعك خالص. فيه حوالي تمان تلaf - 00:48:08

الشاب مقدمين زيك ها ان شاء الله هم كلهم طبعا خمسين وحدة سكنية. ان شاء الله بازن الله الخمسين وحدة هيتم تشطيبهم على الطوب الاحمر بعد سبع سنين ان شاء الله بازن الله بعد سبع سنين الملفات بتاعتكم داهي هنطلعها وهنعمل لجنة وهن Shawf الاولويات لمين وبعد - 00:48:28

ناخد اللي لهم الاولوية هنقوم عاملين قرعة. القرعة هتقع على خمسين واحد بعد الوحدات السكنية. لو وقعت القرعة بعد سبع سنين حضرتك هتيجي تستلم شقة على الطوب الاحمر ان شاء الله بازن الله انت واحفادك بقى ايه تتعاونوا كده وتغفؤها في - 00:48:48 واحد مقدم على شقة من قبل ما يتجوز مراته بنته هتتجوز ولسه ما خدهاش. ده واحد واقف على باب مخلوق عشان ايه عرفت بقى انك ما بتصبرش. طب لو انت تعبت مع ربنا ما اداكش شقة؟ طب لو انت لو انت قمت الليل وتوسلت يا اخوانا اين اليقين يا اخوانى؟ - 00:49:08

يا جماعة عايزين تعرفوا ربنا. ربنا قال اللي عايز يعرفه. واذا سألك عبادي عنی فاني قریب ایه؟ اجیب دعوة الداعی. اللي عايز يعرف ربنا ما يقراش كتب عن ربنا. ما يسمعش دروس عن الاسماء الحسنى. اللي عايز يعرف عن ربنا ارفع ایدك وقل يا رب وانت هتعرفه. بس ارفع ایدك وقل يا رب. بس ارفع ایدك وتضرع - 00:49:28

ایه وانت ساعتها هتعرف مين هو ربنا سبحانه وتعالى. وانت ساعتها ستعرف من هو الله. الغلام اللي ايام المجاعة وايام مجاعة بلد من بلاد المسلمين والناس ماشية مش بقى آآ ما فيش بنزين والناس بتتشاكل مع بعض في البنزينات ده الناس مش لاقية تاكل. والناس واحد من السلف - 00:49:48

حد لا قاعد يلعب قال له يا غلام اتضحك والناس في هذا الكرب؟ فقال وما لي لا اضحك!ولي سيد يملك حدائقين. ده انا ده انا ابن آآ ده انا - 00:50:08

آآ يا عبد عند واحد غني جدا انا ما ليش دعوة بالازمة الاقتصادية بتاعة الناس دي ولا تلزمني في حاجة. خالص فمضى ذلك العالم وهو يضرب كفا بكف ويقول له سيدنا - 00:50:18

يملك حدائقين فلا يخاف.ولي رب يملك السماوات والارض. واخفولي رب يملك خزائن السماء السماوات والارض واخافولي رب بيده خزائن كل شيء واخافولي رب ان من شيء الا عنده - 00:50:28

اخف يبقى اذا يا اخواني في الله احنا يعني هنقف عند هنا النهاردة بازن الله سبحانه وتعالى آآ احبطوني ربنا ايه ربنا يهدينا ويهديكم ساعات الواحد يقول مين اللي قام الليل امبارح فيلاقي عشرة ياشي يا سيدى مين اللي صام اتنين والخميس - 00:50:48 تلاقي عشرين امرنا لله نواه السكر بعد كده بيترى غزل البنات عليها. مش مشكلة. انما انا اقول لكم ساعة الاجابة بتاعة يوم الجمعة ثلاثة يرفعوا ايديهم! ده انا هاشهر بكم في الفضائيات. ده انا هافضحكم. ان انا اقول لك - 00:51:08

الليل الاخير من الليل اللي ما فيش حد بيترى باب الملك فيه الا ويرجع وهو مروي. واخذ طلبا ولقى اربعة اللي رافعين اليوم يبقى يا اخوانا احنا محتاجين نراجع نفسنا عشان كده بازن الله فور الدرس بازن الله سبحانه وتعالى هنعمل الورش الورش اللي هنطلع صناعية بقى. لان احنا بوصوا يا جماعة - 00:51:28

احنا لقينا ان الدروس ما بتطلعش بقى قوي يعني. خالص عشان ما نضحكش على بعض. بتطلع من الآخر اربعة بيرفعوا ايديهم ويقولوا لنا احنا ندعى تعايرين مشروع الورش الایمانية اللي - 00:51:48

بتطلع صناعية في الدعوة وفي العمل الخيري وفي عبادة ربنا بازن الله سبحانه وتعالى. اول ما صلاة العشاء هتتم فورا في عقد بازن الله طبعا العقد له جمهور. احنا متفقين ان العقد هيجب لنا جاتوه للحلقات النهاردة ان شاء الله. مش عارف بقى هو الاتفاق آآ يعني ايه؟ الاتفاق موجود ولا لأ؟ لو الاتفاق موجود هنا خالص حقنا ناشف ان شاء الله. آآ - 00:51:58

آآ اول ما بازن الله تخلص صلاة العشاء هتلاقوا اخوانكم اللي ماسكين الورش كل واحد في مكانه فيه ست مجموعات بازن الله معمولة هنا وهنا وهنا والي بيهرب وعايز يجري معمول لهم اتنين فخ كده ناحية الباب عشان ما يعرفوش يهربوا. اصل انت بتهرب من مصلحتك. وانا مش - [00:52:18](#)

انا مش هاخد فلوس على كل واحد هيقدر. انما انا عايزك انت تتربي عايزك انت تتبنى. فموضوع الورش ده موضوع في غاية الحركة تقدعوا مع بعض. المرة اللي فاتت كان فيه شباب بيبكونا - [00:52:38](#)

بيبيكم لما لقوا جو الالفة وجو الصحبة. يا جماعة احنا بنحاول نعمل بيئه ايمان. لازم تساعد نفسك. احنا انا باحاول اساعد اساعد نفسي واساعدك حاول ساعدني وتساعد نفسك. لازم بازن الله الورش اللي هتتعمل دي هيحصل فيها تعارف ايماني جميل. هتلaci اخوان يسمعوك. بطلوا بقى عقدة الشيخ - [00:52:48](#)

يا شيخ انا عايز اقعد معك ساعة. يا ابني والله العزيم انا نفسي اقعد مع ولادي ساعة. والله العزيم انا نفسي اقعد مع ولادي نص ساعة. يعني انا من اول الاسبوع قاعد قاعد - [00:53:08](#)

آآ اعمل يعني كربيات عشان الساعتين اللي بعد الدرس دول اروح اقعد معهم. يعني فانت يجب ان تدرك ان بيئتك الحقيقة انك انت تقدمع اخوانك انا الاسبوع ده اتعرفت على ناس من الدرس وارتبطة بهم لاول مرة وانا باشوفهم وفعلا نفسي اتعرف عليهم بس ما كانش فيه فرصة انما من خلال الورش - [00:53:18](#)

عرفوا انهم يجيبيوني ازاى بقى. بقى الورش ديت زي ما بنقول كده هتبقى بيئه ايمان لكم. هتصحوا بعد الفجر كل يوم. هتصحوا بعض هتذكروا بعض بالصيام اتنين كل مرة هتتفقوا مع بعض انكم تخرجوا يا عم تلعبوا كورة يا عم مرة في الاسبوع ما انت عايز اصحاب. انت ما فيش في حياتك اصحاب. بقى في صحبة ايمانية. هتتفقوا - [00:53:38](#)

مع بعض بتحضروا درس دكتور عبدالرحمن مع بعض مسلا. هتتحلوا مشاكلكم مع بعض. هتتكلموا مع بعض. مشاكلنا ايه! مش عارفين نطبق الكلام ده ليه! مش عارفين نحب ربنا احنا ليه ما صلناش قيام ليل امبارح؟ ليه ما قعدناش الساعة الاخيرة من يوم الجمعة؟ مع بعضكم تحلوا مشاكلكم. الكلام ده بقى هيوصلنا مع بعض اكتر بازن - [00:53:58](#)

سبحانه وتعالى ويبقى في بناء اكتر. ففكرة الورش دي بازن الله فكرة مهمة جدا وخطيرة. يجب ان يعني ايه بازن الله كلنا نحرص عليها هتببدأ فور صلاة العشاء بازن سبحانه وتعالى. آآ الحاجة الثانية ان شاء الله بازن الله يعني فضل ومنة الله يعني كان يعني كمية الاخوة اللي حاضرين في الليل - [00:54:18](#)

بتاعة الاسبوع اللي فات اللي كانت في مسجد ايه؟ يا نهار ابيض! الليلة القرآنية الصديق. الصديق الليلة الایمانية. انا في ليلة قرآنية تفسير قرآن اتعلمت في مسجد ايه؟ صفتاوي. اتعلمت في مسجد الصفتاوي كان في كانت يوم ايه؟ يوم الاتنين العشاء. المرة - [00:54:38](#)

بقى احنا هنعملها ان شاء الله يوم ايه؟ في مسجد الصفتاوي برضه بس المعاد هيتغير هيبقى يوم ايه؟ يوم لان انت ايه؟ لا العشاء مش المغرب. العشاء ان شاء الله بازن الله. العشاء مش المغرب. الشيخ احمد جلال درس - [00:54:58](#)

في الضيق من المغرب للعشاء بازن الله تخلص الدرس وتحجي على الصفتاوي بازن الله سبحانه وتعالى. العشاء بقى اذا يوم الاربع العشاء العشاء في مسجد الصفتاوي بازن الله سبحانه وتعالى هنعمل ليلة قرآنية اخرى بازن الله سبحانه وتعالى المرة اللي فاتت شرحتنا سورة الاخلاص وقمنا صلينا بقى كل واحد صلى يعني تلت ساعة كده - [00:55:18](#)

كل حاجة في سورة الاخلاص بازن الله سبحانه وتعالى من يعني من شاء الله له هذا يعني. المرة دي بقى هنا خد برضه جلسة قرآنية في ايات نعيش معها بازن الله سبحانه وتعالى ونقوم بقى كل واحد يصلى - [00:55:38](#)

او مسلا نقوم بقى ننزل المقابر بعدها مع بعض. لان المقابر جنب الصفتاوي على طول. يعني نقوم نعمل عمل ايماني مع بعض بحيس انها تبقى ليلة قرآنية عملية بازن الله سبحانه وتعالى - [00:55:48](#)

ها مين اللي عايز يحضر الليلة القرآنية؟ ما شاء الله. طيب خلاص كويس جدا يا جماعة عشان ايه؟ بازن الله. وبرضو الاسرة الورش

اللي هتعمل ان شاء الله بازن الله هتيجوا انتم مع بعض بقى. تطلعوا مع بعض درس الشيخ احمد جلال وبعد كده تطلعوا من الدرس على الليلة القرآنية دي بازن الله عشان نقدر نغز السير بازن الله - [00:55:58](#)

سبحانه وتعالى ربنا يحفزكم يا اخوانى وربنا يبارك فىكم. وقبل ما صلاة العشاء تيجي يعني العروسين ببارك لهم جدا جدا جدا. وبنقول لهم ربنا يجعله هو عقد ولا كتب كتاب كتب كتاب ولا دخلة؟ كتب كتاب يعني؟ مش دخلة يعني؟ ما فيش نقوط يعني - [00:56:18](#)

اصل الدخلة بيبقى فيها احدايس خطيرة النقوط وحالة الاتفاق ويعنى احنا كنا بس بنطمن على حقنا يعني. نسأل الله سبحانه وتعالى ان يبارك يعني في شباب الامة جميعا يا رب اللهم امين وان يزوج شباب الامة جميعا. انه ولي ذلك والقادر عليه. سبحانه الله وبحمدك اشهد ان لا اله الا انت استغفرك واتوب اليك - [00:56:38](#) - [00:56:58](#)